

德化縣志卷第十

知德化縣事

高錫三補輯

鄒文炳再輯  
陳鼐續輯

建置志

周禮匠人有職立邑建都引繩削墨置水以懸建置之典由來舊矣化邑陸通五嶺水連三楚當江廣之衝居豫章之要土木之功甲於他邑其勢然也自灌嬰築土城堞翬飛庾亮傳樓麗譙鶴列其最著已他如長虹偃月川路羣通牧馬停車郵亭開廠軍屯則陸居水運會樓櫓於江濱兵防則夜

德化縣志

卷十

建置

城池

一

望畫操屹墩房於險要何其壯也迨於坊傳名跡人亞三元門列烟牌法嚴十甲固造作之恢宏亦章程之美備蓋建置之法鉅細畢舉矣夫有治法必有治人觀於富家巨族門庭樓閣別業倉箱固整齊宏敞曲折清幽而其澗澤輝煌生旺之氣蓬蓬勃勃非他族所能貌無他經理之人異也視國事如家事焉建置備而政治修甲他邑者惟是土木之功已哉志建置

城池

德化附郭

九江府城西北臨江南接澄湖東偪老鶴塘東西縱五里南北橫四里周圍十二里二百二十四步崇二丈有奇上廣可容騎射

漢高祖六年灌嬰築於湓浦口呼爲灌城

唐乾符間司馬白居易修

宋曹翰攻不克墮七尺開禧間知軍州事余崇龜修

元總管李黼因圯修築至正十九年徐壽輝據之

明洪武癸丑增治永樂十年知府孔復修知府余福蘇致中各再修宏治三年知府童潮更新各門

德化縣志

卷十

建置

城池

二

舊志洪武十二年調京軍於茲設直隸九江衛列木爲柵引水爲濠而東北用甃逮孔復周城環甃建五門覆以樓城址濬水竇六童潮改題古東門曰磐石西曰湓浦南曰文明北曰望京又北曰福星

正德六年兵備馮顯知府李從正崇三尺十四年宸濠兵據之明年知府王念翬補毀敝嘉靖三年淫雨圯四之一七年知府馮會復崇三尺癸丑鎮府陳仁和增築五門月城五門各屬始立界分築

余文獻記嘉靖癸丑歲仁和抑亭陳公來鎮茲土首周

覽險要深念曰此要害不繫一隅者卽具議謀諸當道  
大畧謂倭螫浙東時微眇耳率易之不深備後毒螫海  
濱諸郡殆遍頃殘孽奔徽甯突出蕪湖口深入之端見  
矣賊窺長江則與我共險窺湖口則全省動搖九江安  
得高枕哉宜增修城守以固民志時南直隸操江都御  
史史公江西巡撫都御史蔡公巡按御史高公皆是公  
議公乃檄前守張君情指揮於孟陽熟復計所費推官  
范永宇身督章程城周十二里舊五門無月城單露不  
可待敵乃令各築之九江衛築文明門德安縣築磐石

門德化縣築湓浦門湖口縣築望京門彭澤縣築福星  
門始回互有重險城西南崇二丈五尺長六百三丈有  
堞嶄然不可蟻附上工旣乃濬各壕城東址因山下有  
老鶴塘濬之北阻大江江嚙庾樓磯侵城址乃伐石以  
實其嚙西南帶以甘棠湖湖水直洩易涸公令守戰船  
卒築老馬渡隄障之隄堅水瀦成巨浸可省千人守居  
公先事經畧皆此類工始於乙卯歲八月兩閱歲而工  
就稽其費一千七白金有奇軍民役者以三千計工甫  
興時公以內艱去浙新城方公繼成之是後城高池深

形勢威暢風氣完固四民和輯民思公慮始之勞不釋  
己未歲公復涖江鄙江父老遮道迎公告曰今我民賴  
公幸而有城矣願公終始生我公曰城必得精銳保障  
之謂城公私積貯之謂城四鄰必救之謂城吾爲若屬  
終圖之是年倭掠閩而城多陷民益德公云今守朱君  
曰藩同知汪佐通判邵元推官楊徵屬獻代父老言勒  
石以示來者獻曰愚睹於近事有扼腕者焉九江安慶  
比肩郡也往甯賊首難時安慶則堅守挫敵九江顧以  
全郡生靈付之賊手豈形勢異哉典封疆者先事與弗

先事爾暨賊平以封疆之義繩九江與安慶以能守此  
論已見者假令九江不卽破賊恐扼其喉吭決不敢出  
南昌敢踰九江而東乎此要害何等者當時賊踰九江  
鳴張肆矣南都雖有泰山之安如遺一矢於城下亦爲  
策勝者羞乃一旦狼顧而竄不敢越安慶尺地豈非恐  
堅城制其後而竒邪之計遂沮乎語曰虎豹託幽狐兔  
辟易言勝於無形也公未見之功類此皆宜記

萬曆十二年郡守吳秀開建南薰門癸丑兵備葛寅亮閉  
迎春門開舊東門

葛寅亮自記循南薰門而東且北爲舊東門今閉所從來至遠而相距百丈許有迎春門與老鸛塘隔若天塹老鸛塘者枕城據回龍上流長江政在睫而有土壩壅閉水道不能容魚舠出入凡帆檣來自白下三吳需次出關者南岸無可泊雖暮夜必過小池口夏漲常迫風姨不可渡秋高水落則江北又如螺髻沙篆坦然平陸乃艤船白浪顛濤中相顧失色謂此地爲破冢洲矣萬曆癸丑二月某日先決老鸛塘口於六月十二日開舊東門併閉迎春門時值淫潦江北一望數百里汪洋若

大海春禾秋稼不得顆粒登場不佞爲之愴然因憶皇祐吳中大饑范文正領浙西諭諸守大興土木以贍饑者余乃檄委官盡募爲東門諸役逃水民爭扶畚插趨如歸市未浹旬而門啟題爲東作門新築月城立兵馬司潯陽驛故在城西茲改於老鸛塘口卽北郭外也俯臨大江以便南北之徑渡者而驛傍舊有白樂天琵琶亭今與俱遷讀江頭夜送客之句疑此地近之如南薰門例亦不數月而誅茆結屋者林立蟻聚業以千計雖然猶有憾決老鸛塘口僅夏秋間舟達東門耳冬月水

涸卽不得入能濬之使深則經年皆可艤舟旣避風濤之患且通貿易之利城東列肆當不減城西而以塘高難濬源短易淤議未一也余測其地塘底濬深一丈七尺卽冬月可與江平而去歲所決塘口今淤止二三寸數年稍加一濬自不爲患其工役約近二千金卽可爲商民千百世利業已區畫其費而天下事有難如願者余志懷初服恐貽不了之緣致釀築舍之議遂不克舉受之以未濟終焉已

癸亥葛寅亮仍開迎春閉東作

德化縣志

卷十 建置

城池

六

按葛記曰循南薰而東且北爲舊東門所從來至遠閉自何人今不可考又曰相距百餘丈有迎春門是迎春門由來亦久大抵閉舊東門者爲之別設也查癸丑始閉迎春開舊東門題曰東作則東作卽舊東門也舊志載癸丑閉舊東門別開東作癸亥仍開東門與記不符又按人物志吳秀始開南薰在萬歷十二年之前故記亦但云新月城耳舊志獨標葛開南薰亦未合

國初兵巡黃澍修治康熙十一年知府江殷道修雍正八年知府蔡學灝知縣張思恬修

舊志各門置兵馬司二所左守門官軍右灰庫炮樓四各門俱置汛房營兵守之

德化分修城二段一自庾樓至府學側水洞止堦口一百

八十一自文明門城角東至陶白祠梁口三十六係衛城  
西門城樓三間營房三間庾樓一半與湖口共修

府署後城下舊有池塘柳林蘆洲自萬歷兵備葛寅亮會楚黃從北岸上流築隄固北關洲地淤塞支江遂合流掃府背餘地盡水乾隆七年部援前守蔡學灝所請檄知府施廷翰知縣景師毅動帑三萬八千有零沿江築護城石礮從鎖江樓達府背湓浦大巷口至關口竹牌嘴五里許高一二丈不等城署俱恃焉以固

乾隆十七年知府朱若炳知縣高植開東作門修築月城

**高植記**化邑前明科甲甚盛今昔稍隆替焉僉曰東作門位寅方與甘棠舊隄截內湖當午位而消水於戌方

德化縣志

卷十

建置

城池

七

於彤家爲寅午戌宜旺今寅先塞矣午戌亦易位宜不能振也余惟東作門通往來塞之不便行旅甘棠隄亦然朱郡憲桐莊主其議勸而成厥功焉門啟矣湖隄與水所去處俱復其舊進多士言曰科甲甚盛其在茲乎甯令地負人毋令人負地干青雲而直上謂今日所啟爲邑之龍門可也幸勉哉咸敬承而力任焉曰諾

**知縣高植岳師門詩**莫須有事不堪論戮力中原直覆盆宋室河山何處是潯城傳說岳師門

乾隆五十五年德化縣知縣俞光豫修制城門七

咸豐壬子二年知府陳景曾復修癸丑三年粵逆二次入城負固五載八年四月經官軍克復後府縣官登城履勘七門周圍城身垛牆均被礮穿臞裂礮臺月城營房一律坍塌七門城樓惟西北兩門僅存木架其餘均燬壞無存東南角城牆轟塌二段東北甬轟塌一段丈量共長一百三丈城根陷爲泥窪淤泥深十餘丈計地道長二里許又有官兵自外挖進踞賊自內挖出地道多處逆匪又於護城濠溝外添挖外濠官軍於此外又開挖長濠善修事宜最關緊要計城身長二千二百七十六丈高二丈二尺厚

德化縣志

卷十

建置

城池

八

一丈八尺垛牆高六尺垛口一千八百四十六箇經署知府程元瑞知府福縣先後稟請奉各 大憲議准就地籌費捐釐興修於八年六月十一日起工至十二月十七日工竣添設兵房更樓共四十七所置城上大小礮臺四十六座內大礮臺三十座每座均高三尺橫寬一丈八尺進深八尺小礮臺十六座均高三尺橫長一丈二尺進深六尺城廂内外地道一律填平共用工料銀一萬七千五百餘兩經委員吳城鎮同知蔡錦青查勘核實具報在案  
咸豐九年十月初十日岳師門外老鶴塘經冬水涸露出

地洞一處深自二三丈至四五丈不等計長十餘丈其地一面濱江一面近城又西門迤南城下向有大水洞外通甘棠湖內通府學前蓮池洞內石柱被水冲損數条兩處修築完固共計用過工料銀七百三十餘兩係撥用程守所存修城餘款內銀六百五十兩餘八十五兩亦仍在城工餘款內撥出

坊表 附

城中坊曰宣化曰豐儲曰永安曰泰甯曰元妙曰崇儒曰  
育民曰時雍曰正教曰寶蓮曰世澤曰靖節曰永平

城外坊曰清平曰通惠曰通津廂曰攬秀曰溢浦曰迎恩  
曰福星曰白蓮曰世德曰經武曰新民曰康甯曰福壽  
曰功敘

六鰲坊

奎璧聯輝坊

郡進士坊

德化縣志

卷十

建置

坊表

十

功敘坊舊名公署坊久圯郡志亦畧乾隆十三年士民公  
建知府秦勇均改名功敘坊未久梁損十九年監督唐  
英重建

他如科第坊職官坊旌德坊城內所在多有郡志從畧  
兼以數被兵燹科第坊僅存一職官坊僅存一旌德坊  
僅存四今姑據現在者列之以備考云 舊志

三鳳坊在府治 大街爲勞惠張道朱袞立今圯

濂溪書院坊在都府巷口

孝子坊在能仁寺前右街口爲貢生廖介立咸豐十年被

風拆倒同治七年知縣張光裕捐建碑亭移立山川嶺  
費御史坊在文明門內爲御史費重賢立

節婦坊二一在小學巷內爲邢維斗之妻馮氏立一在大  
街爲生員吳之琇之妻張氏立今圯

節婦坊在城外後街爲羅華音之母蔡氏立今圯

節義坊在德化鄉東城坂爲萬昭之妻黃氏立

節婦坊在德化鄉黃土嶺下謝家壠口雍正八年爲庠生  
劉焜之妻高氏立

節婦坊在德化鄉黃土嶺爲萬朝璽之妻繆氏立

德化縣志

卷十

建置

坊表

十一

貞女坊在封二鄉爲蔡辨佳聘妻駱氏立

百歲坊在德化鄉譚家坂爲舉人周國鎬之母鄒氏立

節孝坊在封二鄉爲項之綱妻李氏立

三節坊在仙居坂黃姓屋下首

進士坊在白鶴中鄉爲蔡銑公立

節婦坊在白鶴鄉瓜子嶺爲舉人李儒郁之妻劉氏立

節婦坊在仁貴鄉周家門後楊家埂道光庚子年爲庠生

周鴻謨之妻黃氏立

節孝坊在城內夏氏宗祠門內爲夏汝治妻余氏立

百歲坊在德化鄉黃土嶺南首去劉坊里許驛道中明隆慶間爲庠生夏雲百歲建坊圯腳石常存

節婦坊在考棚上首爲庠生蔡光基妻黎氏立後移建山川嶺咸豐年間被風折倒同治七年知縣張光裕捐建碑亭

貞烈坊在城南山川嶺爲朱明貴配鄒媪立咸豐年間被風折倒同治七年知縣張光裕捐建碑亭